

პროგრამის სახელწოდება: ისტორია / History

სწავლების ენა: ქართული

მისანიჭებელი აკადემიური ხარისხი: საქართველოს ისტორიის მაგისტრი /Master in History of Georgia

პროგრამის მოცულობა კრედიტებით: სამაგისტრო პროგრამა აგებულია ECTS სისტემის საფუძველზე, სტუდენტზეა ორიენტირებული და ემყარება სტუდენტის აკადემიურ დატვირთვას, რომელიც საჭიროა საგანმანათლებლო პროგრამის მიზნების მისაღწევად.

საქართველოს ისტორიის საგანმანათლებლო პროგრამა მოიცავს 120 ECTS კრედიტს, წელიწადში – 60 კრედიტს, სემესტრში – 30 კრედიტს. შესაბამისად, სამაგისტრო პროგრამის სტანდარტული ხანგრძლივობა 2 წელს ანუ 4 სემესტრს შეადგენს.

სტუდენტის ინდივიდუალური დატვირთვიდან გამომდინარე, წელიწადში კრედიტების რაოდენობა შეიძლება იყოს 60-ზე ნაკლები ან მეტი, მაგრამ არა უმეტეს 75-ისა.

პროგრამის მიზნები:

წინამდებარე პროგრამის მიზანია სამეცნიერო ჰორიზონტის მქონე ისტორიკოსების მომზადება საქართველოს ისტორიაში. პროგრამით გათვალისწინებული დისციპლინების ათვისების შედეგად კურსდამთავრებულს მიეცემა ღრმა და სისტემური ცოდნა საქართველოს ისტორიის პრობლემატური საკითხების, დასავლურ ქართული პოლიტიკური ერთეულების ისტორიისა და ეთნოგრაფიის, ისტორიული კოლხეთის არქეოლოგიის და თანამედროვე საქართველოს ადგილისა და როლის შესახებ მსოფლიო პროცესების აქტუალურ ჭრილში. პროგრამა განსაკუთრებით საინტერესო იქნება უპირველესად მათთვის, ვისაც სურს ჰქონდეს საფუძვლიანი შემოქმედებითი პროცესის თანამონაწილეობით მიღებული ცოდნა ქართველი ერის ისტორიის კონკრეტული პერიოდის ან დიაქრონულ ჭრილში დანახული კონკრეტული ისტორიული ფენომენის შესახებ და შესაბამის სფეროში კვლევების ჩატარებისათვის საჭირო ჩვევები და უნარები. პროგრამით გათვალისწინებული ცალკეული კურსები დიდ დახმარებას გაუწევს მათ, ვინც ესწრაფვის ღრმად საფუძვლიანი ცოდნის მიღებას დასავლეთ საქართველოს სამეფო - სამთავროებისა და ზოგადად, აქ არსებული პოლიტიკური წარმონაქმნების ისტორიის შესახებ დროის კონკრეტულ პერიოდში.

პროგრამაზე დაშვების წინაპირობა:

საქართველოს ისტორიის სამაგისტრო საგანმანათლებლო პროგრამაზე ჩარიცხვის უფლება აქვს ბაკალავრს, რომელმაც წარმატებით ჩააბარა საერთო სამაგისტრო და ასევე შიდა საუნივერსიტეტო გამოცდები შედეგების საფუძველზე.

საერთო სამაგისტრო გამოცდის გარეშე, საქართველოს ისტორიის სამაგისტრო საგანმანათლებლო პროგრამაზე სტუდენტთა მიღება/ჩარიცხვა ხორციელდება მოქმედი კანონმდებლობის შესაბამისად.

საქართველოს ისტორიის სამაგისტრო საგანმანათლებლო პროგრამაზე მობილობის წესით ჩარიცხვა შესაძლებელია წელიწადში ორჯერ, განათლების ხარისხის განვითარების ეროვნული ცენტრი მიერ დადგენილ ვადებში, სავალდებულო პროცედურებისა და სასწავლო უნივერსიტეტის მიერ დადგენილი წესების დაცვით.

მაგისტრატურაში ჩამზარებელს არ მოეთხოვება არავითარი დამატებითი ინფორმაციის წარმოდგენა სამეცნიერო კონფერენციებსა და ექსპედიციებში მონაწილეობის, ან საზღვარგარეთის უნივერსიტეტებში სტაჟირების შესახებ (თუმცა არსებობის შემთხვევაში მიეძღვნება გარკვეული ყურადღება, ასეთი წინაპირობები მხოლოდ სასურველია და არა სავალდებულო). ამგვარი გამოცდილების მქონე პიროვნებას უპირატესობა პროგრამაზე ჩამზარებისას მიენიჭება მხოლოდ სხვა ერთნაირ პირობებში.

მაგისტრანტს ასევე მოეთხოვება ინგლისური ენის ცოდნა B2 დონეზე.

უნდა წარმოადგინოთ: ბაკალავრის ხარისხის დიპლომი, სასურველია ინგლისური ენის ცოდნის დამადასტურებელი სერთიფიკატი, პირადობის მოწმობის ასლი, კომპიუტერის ცოდნის სერთიფიკატი

სწავლის შედეგები:

დარგობრივი უნარები:

მაგისტრს ექნება დარგობრივი ცოდნა არამარტო ზოგადად საქართველოს ისტორიაში, არამედ ის მიიღებს კონკრეტულ ცოდნას დასავლეთ ქართული სამყაროს ისტორიული, პოლიტიკური და კულტურული ცხოვრებისა და საქართველოს უახლესი ისტორიის უმნიშვნელოვანესი პრობლემების შესახებ მსოფლიო პოლიტიკის ჭრილში.

გაცნობიერებს ძველი კოლხეთის ისტორიის ადგილსა და როლს ქართული სახელმწიფოებრიობის ჩამოყალიბებისა და განვითარების საქმეში.

შეისწავლის საქართველოს უახლესი ისტორიის უმნიშვნელოვანეს პრობლემებს, ქართული სახელმწიფოს ადგილსა და როლს თანამედროვე მსოფლიო პოლიტიკურ პროცესებში.

შეისწავლის ძირძველი ქართული რეგიონის-აფხაზეთის ისტორიას, მის ურთიერთობას საერთო ქართულ და დანარჩენ სამყაროსთან.

მაგისტრანტი შეძლებს სამეცნიერო სტატიის მომზადებასა და კვლევითი სამუშაოს შესრულებას კურსდამთავრებულს შეეძლება ისტორიის კვლევის გამოყენება ექსპერტის დონეზე. შეძლებს წყაროთმცოდნეობითი ძიებების ჩატარებას და ექნება ფაქტების ისტორიულ რეკონსტრუქციაში გამოყენების უნარი, შეძლებს კრიტიკული მიდგომის გათვალისწინებით ინფორმაციის ინოვაციურ სინთეზს ისტორიული მეცნიერების უახლესი მონაცემების გამოყენებით. საქართველოს ისტორიის მაგალითზე გარდასულ ეპოქებთან კულტურული დიალოგის, ფაქტების ურთიერთმედარების, ურთიერთკავშირებისა და მათი სინთეზის მეშვეობით ისტორიული სურათის აღდგენა, ისტორიული წყაროებისა და ფაქტებისადმი კრიტიკული მიდგომის გათვალისწინებით რთული და წინააღმდეგობრივი მონაცემების ანალიზი და ანალიზის შედეგების ეფექტური მიწოდება, ვრცელი ტექსტების გაგება და მათში გადმოცემული ფაქტებისა და მოვლენების ანალიზი, მაგისტრანტი მოამზადებს საშინაო დავალებებს სწავლით თუ კვლევით სფეროში, შეძლებს აგრეთვე სამეცნიერო ღონისძიებებში მონაწილეობას.

ზოგადი კომპეტენციები:

საქართველოს ისტორიის მაგისტრის კვალიფიკაციის მქონე პირს აქვს ინფორმაციის საჯაროდ წარდგენის უნარი, შეუძლია მისი მკაფიოდ დასაბუთება, ექნება სინთეზისა და ანალიზის უნარი, შეუძლია ჩამოაყალიბოს მოსაზრებები, განსაზღვროს პრობლემა და გაანალიზოს გადაჭრის გზები. დამოუკიდებლად ჯგუფის სხვა წევრების შესაძლებლობების გათვალისწინებით დაგეგმოს სამუშაო.

გავლილი პროგრამა განუვითარებს გარემოსთან ადაპტირების უნარს, შეეძლება მშობლიურ და უცხო ენაზე ისტორიული დეტალებისა და ეპოქათა მიმოხილვა. შეძლებს პროგრამულ უზრუნველყოფაში ორიენტირებასა და პრაქტიკულ გამოყენებას.

რთული ტექსტების გაგება, ყოველგვარი წინააღმდეგობის გარეშე დაუბრკოლებელი საუბარი. თავისი დასკვნების, არგუმენტებისა და კვლევის მეთოდების გამოყენება საინფორმაციო ტექნოლოგიების მიღწევათა გამოყენებით.

მაგისტრანტს შეეძლება აკადემიურ და პროფესიულ საზოგადოებაში ისტორიული ფაქტებისა და მოვლენების დამაჯერებელი, მკაფიო და კომპეტენტური ანალიზი, საქართველოს ისტორიაში წერილობითი ნაშრომის თანამედროვე მოთხოვნების დონეზე გაფორმება

დაუბრკოლებლად საუბარი სპეციალური, პროფესიული და აკადემიური თემების შესახებ.

ინფორმაციის მიწოდება ინოვაციური, უახლესი მონაცემების გამოყენებით. შეუძლია დარგობრივი კომუნიკაციის დამყარება პროფესიულ დონეზე აკადემიურ თუ პროფესიულ საზოგადოებასთან ქართულ და უცხოურ ენაზე. საზოგადოებაში კომპეტენტურად, რთული ტექსტების გაგება ყოველგვარი წინააღმდეგობის გარეშე დაუბრკოლებელი საუბარი.

მაგისტრატურაში მიღებული ცოდნა, კომპეტენცია და უნარები საქართველოს ისტორიის მაგისტრს საშუალებას აძლევს დამოუკიდებლად წარმართოს თავისი საქმიანობა, სტრატეგიულად და მაღალ დონეზე დაგეგმოს როგორ გააგრძელოს სწავლა და სამეცნიერო მუშაობა სპეციალობის მიხედვით.

საზოგადოებრივი ღირებულებებისადმი თავისი და სხვების დამოკიდებულების შეფასება და ახალი ღირებულებების დამკვიდრებაში წვლილის შეტანა.

სტუდენტთა ცოდნის შეფასების სისტემა:

საქართველოს ისტორიის სამაგისტრო საგანმანათლებლო პროგრამით გათვალისწინებული სასწავლო კურსების დაუფლება სწავლების პროცესში სტუდენტთა აქტიურ მონაწილეობას ითვალისწინებს და შექმნილი ცოდნის უწყვეტი შეფასების პრინციპს ეფუძნება.

საქართველოს ისტორიის სამაგისტრო საგანმანათლებლო პროგრამის განხორციელებისას სტუდენტის სწავლის შედეგის მიღწევის დონე ფასდება „უმაღლესი საგანმანათლებლო პროგრამების კრედიტებით გაანგარიშების წესის შესახებ“ საქართველოს განათლებისა და მეცნიერების მინისტრის 2007 წლის 5 იანვრის N3 ბრძანებით დამტკიცებული შეფასების სისტემის შესაბამისად.

საქართველოს ისტორიის სამაგისტრო საგანმანათლებლო საგანმანათლებლო პროგრამის სასწავლო კურსებში სტუდენტის სწავლის შედეგის მიღწევის დონის შეფასება მოიცავს შეფასების ფორმებს - შუალედურ და დასკვნით შეფასებას, რომელთა ჯამი წარმოადგენს საბოლოო შეფასებას (100 ქულა).

შუალედური და დასკვნითი შეფასება (შეფასების ფორმები) მოიცავს შეფასების კომპონენტს/კომპონენტებს, რომელიც განსაზღვრავს სტუდენტის ცოდნის ან/და უნარის ან/და კომპეტენციების შეფასების ხერხს/ხერხებს (ზეპირი/წერიტი გამოცდა, ზეპირი/წერიტი გამოკითხვა, საშინაო დავალება, პრაქტიკული/თეორიული სამუშაო და სხვ.). შეფასების კომპონენტი აერთიანებს შეფასების ერთგვაროვან მეთოდებს (ტესტი, ესე/ესეი, დემონსტრირება, პრეზენტაცია, დისკუსია, პრაქტიკული/თეორიული დავალების შესრულება, სამუშაო ჯგუფში მუშაობა, დისკუსიაში მონაწილეობა, რეფერატი, წერილობითი დავალება და სხვ). შეფასების მეთოდი/მეთოდები იზომება შეფასების კრიტერიუმებით ანუ შეფასების მეთოდის საზომი ერთეულით, რითაც დგინდება სწავლის შედეგების მიღწევის დონე.

შეფასების თითოეულ ფორმასა და კომპონენტს შეფასების საერთო ქულიდან (100 ქულა) განსაზღვრული აქვს ხვედრითი წილი საბოლოო შეფასებაში, რაც აისახება კონკრეტულ სილაბუსში და ეცნობება სტუდენტს სასწავლო სემესტრის დასაწყისში.

დაუშვებელია კრედიტის მინიჭება შეფასების მხოლოდ ერთი ფორმის (შუალედური ან დასკვნითი შეფასება) გამოყენებით. სტუდენტს კრედიტი ენიჭება მხოლოდ დადებითი შეფასების მიღების შემთხვევაში.

შუალედური და დასკვნითი შეფასების კომპონენტების მინიმალური კომპეტენციის ზღვარი არ უნდა აღმატებოდეს შუალედური შეფასებების 60 %-ს და დასკვნითი გამოცდის 60%-ს. საქართველოს ისტორიის სამაგისტრო საგანმანათლებლო პროგრამის განხორციელებისას სტუდენტის შუალედური და დასკვნითი შეფასების მინიმალური კომპეტენციის ზღვარის ხვედრითი წილი აისახება კონკრეტულ სილაბუსში და ეცნობება სტუდენტს სასწავლო სემესტრის დასაწყისში.

შეფასების სისტემა უშვებს:

ხუთი სახის დადებით შეფასებას:

(A) ფრიადი – შეფასების 91-100 ქულა;

(B) ძალიან კარგი – მაქსიმალური შეფასების 81-90 ქულა;

(C) კარგი – მაქსიმალური შეფასების 71-80 ქულა;

(D) დამაკმაყოფილებელი – მაქსიმალური შეფასების 61-70 ქულა;

(E) საკმარისი – მაქსიმალური შეფასების 51-60 ქულა.

ორი სახის უარყოფით შეფასებას:

(FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;

(F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

საქართველოს ისტორიის სამაგისტრო საგანმანათლებლო პროგრამის სასწავლო კურსში, FX-ის მიღების შემთხვევაში დამატებითი გამოცდა დაინიშნება დასკვნითი გამოცდის შედეგების გამოცხადებიდან არანაკლებ 5 კალენდარულ დღეში. სტუდენტის მიერ დამატებით გამოცდაზე მიღებულ შეფასებას არ ემატება დასკვნით შეფასებაში მიღებული ქულათა რაოდენობა. დამატებით გამოცდაზე მიღებული შეფასება არის დასკვნითი შეფასება და აისახება საგანმანათლებლო პროგრამის სასწავლო კურსის საბოლოო შეფასებაში. დამატებით გამოცდაზე მიღებული შეფასების გათვალისწინებით საგანმანათლებლო კურსის საბოლოო შეფასებაში 0-50 ქულის მიღების შემთხვევაში, სტუდენტს უფორმდება შეფასება F-0 ქულა.

დასაქმების სფეროები:

საქართველოს ისტორიის მაგისტრი შესაძლებელია დასაქმდეს კვლევით დაწესებულებაში, არქივში, მუზეუმში, ნებისმიერ ეროვნულ სახელმწიფოებრივ (მათ შორის სამთავრობო უწყებებში, საელჩოებში და ა.შ) და არასამთავრობო სექტორში. იქ სადაც არსებობს საზოგადოებრივი ცხოვრების სფეროში ექსპერტის, კომუნიკაბელური და ერუდირებული თანამშრომლის საჭიროება. შეუძლია დასაქმდეს ტურიზმისა და ჟურნალისტიკის სფეროში. შეასრულოს სხვადასხვა საგაზეთო, საჟურნალო, ტელე და რადიო რედაქციაში ისტორიკოს –ექსპერტის ფუნქცია.

სწავლის გაგრძელების შესაძლებლობა:

საქართველოს ისტორიის სამაგისტრო საგანმანათლებლო პროგრამის კურსდამთავრებული უფლებამოსილია, სწავლა განაგრძოს საქართველოს ან სხვა ქვეყნების უმაღლეს საგანმანათლებლო დაწესებულებებში ჰუმანიტარული მიმართულების სადოქტორო პროგრამაზე, რომელიც ორიენტირებულია შემდგომი დონის სპეციალისტისა და მკვლევარის მომზადებაზე.

პროგრამის სტრუქტურა:

საქართველოს ისტორიის სამაგისტრო საგანმანათლებლო სასწავლო პროგრამა მოიცავს:
ძირითადი სპეციალობის საგნებს 65 კრედიტი, რომელიც წარმოდგენილია საქართველოს ისტორიის ცალკეული სასწავლო კურსების სახით.
ძირითადი სპეციალობის არჩევით სასწავლო კურსებს 25 კრედიტი
კვლევითი კომპონენტი 30 კრედიტი